

法身不朽，以具涅槃之味故。味有八：

1. 常住。三際常存，十方恆在。
2. 寂滅。寂絕無為，大患永滅。
3. 不老。不遷不變，無增無減。
4. 不死。從本不生，今亦無滅。
5. 清淨。安住清淨，諸障悉淨。
6. 虛通。虛徹靈通，圓融無礙。
7. 不動。寂然不動，妙絕無為。
8. 快樂。無生死苦，有真常樂。

法者軌則，身者有體，軌則之體，名為法身。

如來證得此法身，講此法身，度此法身。見月水道場，成性空世界，能所平等，彼我玄虛。遊如幻之法雲，生唯心之淨土。修空花之妙行，施谷響之善財。降鏡裡之魔軍，作夢中之佛事。度如化之眾生。證無乘之菩提。總歸不二之門，同聽一音之法。